

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Breviarium Einsidlense - Cod. Ettenheim-Münster 38

[S.l.], 1788

Die 17. Maii. S. Nepomuceni Mart. Oratio

[urn:nbn:de:bsz:31-108133](https://nbn-resolving.org/urn:nbn:de:bsz:31-108133)

In III. Nocturno.

Homilia in Evangelium Homo peregrè profi-
 ciscens. ^{Primo loco} Missa: Statuit. cum Orat. propria.

Die 17. Maii.

S. Nepomuceni Mart.

Oratio.

Deus, qui ob invictum Beati Ioannis sacra-
 mentale silentium novâ Ecclesiam tuam
 Martyrii coronâ decorasti: da nobis eius
 intercessione et exemplo linguam cautè
 custodire; ac omnia potiùs mala, quàm
 animæ detrimentum in hoc sæculo tole-
 rare. Per Dnum.

Lectioes I. Nocturni de Comuni Martyrum
 Tempore Paschali.

Extra tempus Pasch: Fratres debitores de Comuni plur:
 Martyrum, nisi impediuntur Scripturâ.

In II. Noct. Lectio V.

Ioannes Nepomuci Bohemiæ oppido, unde Nepomuceni cognomen duxit, à parentibus ætate provectis, non sine futuræ Sanctitatis prælagio flammis supra nascentis domum mirabiliter collucentibus, ortus est. Cùm infans in gravem incidisset morbum, beatæ Virginis ope, cui natum parentes referebant acceptum, è vitæ periculo evasit incolumis. Egregia indole, piæque institutione cœlestibus indicis obsequente, inter sanctas religiosasq; exercitationes pueritiam egit; nam Ecclesiam frequenter adire, ac Sacerdotibus ad aram operantibus ministrare in deliciis habebat. Zatecii politioribus litteris ad humanitatem informatus, Pragæ verò gra-

vioribus disciplinis excultus, Philosophiæ,
Theologiæ, Sacrorumque Canonum Magis-
terium, et Lauream emeruit. Sacerdotio
initiatus, atque à Scientia Sanctorum ad
lucra animarum ritè comparatus, minis-
terio Verbi Dei se penitus addixit.

℞. Lux perpetua lucebit Sanctis tuis
Domine, * Et æternitas temporum Alle-
luia alleluia. ✠. Lætitia sempiterna erit
super capita eorum; gaudium et exulta-
tionem obtinebunt. * Et æternitas.

Extra Tempus Paschale.

℞. Honestum fecit illum Dominus, et
custodivit eum ab inimicis, et à seducto-
ribus tutavit illum: * Et dedit illi clarita-
tem æternā. ✠. Descenditque cum illo in foveā,
et in vinculis non dereliquit eum. * Et dedit.

Lectio VI.

Cum igitur in vitiis extirpandis, et renovandis in via salutis errantibus eloquentia et pietate uberes ederet fructus, inter Canonicos Metropolitanæ Ecclesiæ Pragensis cooptatus, mox sibi demandatam Evangelii coram Rege Wenceslao — quarto prædicandi provinciam suscepit, eo successu, ut Ioannis suavis multa Rex faceret, magnoque in honore eius virtutes haberet. Conspicuas tamen, quas ille obtulit, dignitates Dei servus, ne à Divini Verbi præconio avocaretur, constantissime reculavit.

Tempore Paschali.

R. In servis suis, alleluia. * Consolabitur Deus, alleluia. & Iudicabit Dominus popu-

lum suum, et in servis suis. * Consolabitur.

Extra Tempus Paschale.

R. Desiderium animæ eius tribuisti ei
Domine: * Et voluntate labiorum ei, non
fraudasti eum. &. Quoniam prævenisti eū
in benedictionibus dulcedinis: posuisti in
capite eius coronam de lapide pretioso.
* Et voluntate.

Lectio VII.

Regiis illum eleēmosinis in pauperes erogandis præfectum Ioanna Regina conscientie sibi moderatorem adscivit. Cū autem Wenceslaus ab officio, institutoque decessisset, atque in vitia præceps abriperetur, piæ autem coniugis obtestationes et monita gravatè ferret, contendere ausus est, ut in Sacramentali Iudicio Sacerdotali credita

Reginæ arcana sibi à Ioanne panderentur.
 At Dei Minister blanditiis primùm, tor-
 mentis deinde, et carceris squalore ten-
 tatus, nefariæ Regis cupiditati fortiter
 obstitit. Furentem tamen Wenceslai ani-
 mum cùm ab execrando proposito nec hu-
 mana, nec divina iura deterrere, supre-
 mum agonem, quem instare sibi Athleta
 Christi noverat, populo in concione de
 impendentibus etiam Regni calamitatibꝫ
 admonito, non obscure prænuntiavit. Mox
 Boleslaviam profectus ad Beatæ Virginis
 Imaginem antiquo cultu celebrem, coeles-
 te præsidium ad certandum bonum cer-
 tamen effusis precibus imploravit. Inde
 vesperi revertentem in pervigilio Domini-
 cæ Ascensionis Rex è fenestra conspicatꝫ

accessit; cūque vehementius urgeret, et
 proximam in aquis, si obluctari pergeret,
 submersionem intentaret, Ioannes invicta
 constantia terrores, minasque refutavit.
 Itaque Regis imperio in Moldavam flu-
 men Pragam interfluens noctu deiectus
 illustrem Martyrij coronam est consecutus.

Tempore Paschali.

R. Filiae Ierusalem venite, et videte
 Martyres cum coronis, quibus coronavit
 eos Dominus * In die solemnitatis et læti-
 tiae, alleluia. V. Quoniam confortavit se-
 ras portarum tuarum, benedixit filios tuos
 in te. * In die.

Extra Tempus Paschale.

R. Stolâ iucunditatis induit eum Dominus:
 * Et coronam pulchritudinis posuit super

caput eius. X. Cibavit illum Dominus pane vitæ et intellectus: et aqua Sapientiæ salutaris potavit illum. *Et coronam.

Lectio VIII.

Sacrilegum fácinus clam patratum, et Martyris gloriam insigne prodigium divinitus patefecit. Ubi enim exánime corpus secundo flumine vehi coepit, arden-tes faces aquis supernatantes, et discurrentes apparuerunt. Quam ob rem ex aréna postridie manè corpus elatum Canonici deinde Regis iram nihil timentes in Metropolitanam Ecclesiam solenni pompâ intulerunt, et sepulturæ mandârunt. Cùm autem índies invicti Sacerdotis memoria miraculis, et maxima fidelium, eorum præcipuè, qui famâ periclitantur, veneratione

corulceret, post annos demum amplius –
 trecentos in jurídica recognitione Corporis,
 quod sub humo tamdiu iacuerat, lingua eius
 incorrupta, et vivida reperta est; quæ sex-
 to post anno Iudicibus à Sede Apostólica de-
 legatis exhibita, novò prodigiò repente in-
 tumuit, et subobscurum ruborem in purpú-
 reum commutavit. His itaque, aliisque sig-
 nis ritè probatis, Benedictus decimus ter-
 tius Pontifex maximus die decima nona
 Mensis Martii anno Salutis Millesimo
 septingentesimo vigesimo nono primum
 hunc Sacramentalis silentii Assertorem,
 arcani fidem sanguine obsignantem Sanc-
 torum Martyrum catalogo adscripsit.

Tempore Paschali.

℞. Lætabitur Iustus in Domino, et Sperabit in

eo: et laudabuntur * Omnes recti corde,
 alleluia, alleluia. & Lætamini in Domino, et
 exultate iusti, et gloriamini * Omnes.
 & Gloria Patri. * Omnes.

Extra Tempus Paschale.

& Posuisti Domine super caput eius co-
 ronam de lapide pretioso: * Vitam petiit
 à te, et tribuisti ei in sæculum sæculi. & De-
 siderium animæ eius tribuisti ei, et volun-
 tate labiorum eius non fraudasti eum. * Vi-
 tam petiit. & Gloria Patri. * Vitam petiit.

In III. Nocturno

Tempore Paschali Homilia in Evangelium Ego
^{Nihil est opertum.}
~~sum vitis vera.~~ ^{=cum dicto Evang.} Missa Protexisti: 2. Or: Con-
 cede. 3. Ecclesiæ. vel pro Papa.

Extra Tempus Paschale Lectiones de Homilia
 in Evangelium Nihil est opertum. de Com-

*muni unius Martyris ultimo loco. Missa I. æ-
tabitur iustus. 2. Or: A cunctis. 3. ad libitum.*

Die 28. Maii.

S. Bonifacii IV. Pap: et Conf:

fuit 25. h. meruit Supremos.

Oratio.

Deus, qui populo tuo in multis periculis
constituto, beati Bonifacii Confessoris tui
atque Pontificis mirâ vigilantia providisti:
concede propitius; ut, cuius gloriola me-
rita veneramur, perennibus auxiliis mu-
niamur. Per Dominum.

In II. Nocturno Lectio V.

Bonifacius huius nominis quartus, Ioannis
filius Valeriæ Marforum natus, ex Monacho
Ordinis Sancti Patris Benedicti in Monas-
terio Sancti Sebastiani ad Catacumbas ex-
tra muros Urbis, et Presbytero Cardinale,

Sub Imperatore Phoca ad Pontificatum assumptus est, die Dominica, decima Octava Septembris anno Domini sexcentesimo septimo: seditque annos sex, menses octo, dies tredecim, duabus Ordinationibus peractis mense Decembri, in quibus Episcopos viginti quinque, Diaconos Octo creavit.

℞. Inveni David servum meum, oleo sancto meo unxi eum: *Manus enim mea auxiliabitur ei. ℞. Nihil proficiet inimicus in eo, et filius iniquitatis non nocebit ei. *Manus.

Lectio VI.

Erat Bonifacius super omnes homines mitissimus, ac misericors. Clerum unice amabat, illumque beneficiis quamplurimis cumulavit. Statim paternam domū

in Monasterium erexit, et fundos suos in
 Monachorum usus eidem Monasterio ad-
 scripsit; sed ut longè maiori beneficio —
 huius instituti homines sibi obstringeret,
 convocatis ad Synodum Italiae Episcopis
 sanctis legibus labentem Monachorum
 disciplinam restituit, eorúmque hostes
 coërcuit; qui ipsos, etsi auctos Sacerdo-
 tio, ab administratione Sacramentorum
 arcéri volebant condito ea de re Synoda-
 li Decreto.

℞. Posui adiutorium super potentem, et
 exaltavi electum de plebe mea: * Manus
 enim mea auxiliabitur ei. ℞. Inveni David
 servū meū, oleo sancto meo unxi eum. * Manus.

LECTIO VII.

Sedente eodem beato Pontifice in Apostolico

throno, habitum est anno sexcentesimo deci-
 mo, Mense Martio Concilium Romanum in
 causa Ecclesiæ Anglicanæ. Mellitus enim
 Londinensis Episcopus (qui unus fuit ex
 iis Monachis sanctissimis Ordinis Sancti
 Patris Benedicti, quos à Divo Gregorio —
 Magno beatus Augustinus Archiepiscopus
 Cantuariensis ad prædicandum Christi E-
 vangelium in Anglia sodales accepit.) Ro-
 mam petierat, de necessariis Ecclesiæ Ang-
 lorum causis cum summo Pontifice tracta-
 turus. Synodum Bonifacius Episcoporum
 Italiæ coëgit, quæque in ea decreta sunt,
 auctoritate suâ confirmavit, et Sancto Mel-
 lito unâ cum Epistolis beato Laurentio Sancti
 Augustini in Cantuariensi Archiepiscopatu
 Successori, et Clero universo tradidit in

Britannia observanda. R̄. Iste est, qui ante Deum magnas virtutes operatus est, et omnis terra doctrina eius repleta est: * Ipse intercedat pro peccatis omnium populorum. V. Iste est, qui contempsit vitam mundi, et pervenit ad cœlestia regna. * Ipse.

Lectio VIII.

Ab Imperatore Phoca Sanctissimus Pontifex nobile Romæ delúbrum, Pántheon vocatum, obtinuit, sexcentis triginta duob, propè annis, postquam illud in idolórum cultū cónditum fuerat. Ipsum ad Religionē Christianam translatum, et solemni ritu in Ecclesiam consecratum, Deo in honorem Deiparæ Virginis, et Sanctorum Martyrum dicavit: atque ad maiorem venerationem ei conciliandam, incredibilem sacrarum Reliquiarum

vim ex diversis arenariis eductam in illud inferri, et iuxta principem aram condi curavit. Denique beatissimus Pontifex, monita, et exempla S. Gregorii Magni, opere ac dignis moribus impensè sectatus, sub Heraclio virtute ac meritis clarus obdormivit in Domino octavo Kalendas Junii.

R̄. Iustum deduxit Dominus per vias rectas, et ostendit illi regnum Dei, et dedit illi scientiam Sanctorum: * Honestavit illum in laboribus suis. V. Custodivit eum ab inimicis, et à seductoribus tutavit illum. * Honestavit. V. Gloria Patri. * Honestavit.

In III. Nocturno

Homilia in Evangelium Homo peregrè. de Communi Conf: Pont: primò locò.

Missa Statuit. Cum Oratione propria.